



ᓄᓇᓂᓪ ᓄᓇᓂᓪᓂᓪᓂᓪ

Nunavut Maligaliurvia

Legislative Assembly of Nunavut

Assemblée législative du Nunavut

R E L E A S E

Ukakti Maligaliukvimit Tuhaktiyut Tugaagutainik Nangminut Kamisiit Ihivgiuktukhat Maligaliuktinik Maniliugutainik, Ikayugutainik, Akiliktigutainik ovalo Ikayugutait.

IQALUIT, Nunavut (September 24mi, 2018) - Maligaliukti Joe Enook, Ukaktiupluni Maligaliuklimut Nunavumi, ublumi tuhaktiyuk tugaagutainik Nangminut Kamisiit Ihivgiuktukhat Maligaliuktiit Maniliugutainik, Ikayugutainik, Akiligutainik ovalo Ikayugutait. Ilangani 37 *Maligaliuktiit ovalo Ministait Katimayiit Pikuyakyuangat* tunivaktut hanatjutainik kamisitkut.

Apikhukti Earl Johnson Ighivautaniaktok Kamisitkunut. Apikhukti Johnson akigaktituiyngutuk Ukiuktaktumi 1974mi. Tugaaktauhimayuk Kavamatukatunit Akigaktituiyi 1992mi ovalo Apikhuktiunguktok Nunavumi Apikhukviit 2002mit nutkaluni apikhuktinit 2016mi. Ublumi Tukliuyuk Apikhukti Nunavumi Apikhukviini.

Ms. Nancy Karetak-Lindell ilauhimayuk Nunavumit Maligaliukyuakti 1997mit 2008mut ovalo Angayukaanguhimayuk Inuit Kutiktumi Katimayiit (Kanatamit) ukiumit 2016mit 2018mut. Niguaktautinagu, Ms. Karetak-Lindell amigaitunik munagitjutinik havaakakhimayuk Arviami, ilaukatautitlugu Arviami amigaituni munagiyikatauyunut. Ms. Karetak-Lindell ublumi ilayuk Katimayiupluni Katimatkatigiinut Polar Knowledge Kanatami avatiligiit.

Mr. Keith Peterson ilauhimayuk Ikaluktutiamit Maligaliukti 2004mit nutkagami 2017mut. Mr. Peterson munagigaakhimayuk Nunavumi kangagaaluk Ministaupluni Maniligiit. Ovalutauk, amigaiuyaktunik Ministauihimayuk maligaliuktiupluni, ilayut Minista Aniaktitailigiit, Akigaktituiyit ovalo Niguaktiligiyiit Havakviit. Niguaktautinagu Maligaliukvimut, Mr. Peterson Maiyaguhimayuk Ikaluktutiami ovalo Titigaktiupluni Kitikmeot Kuapurisitkunut.

Mr. Ronnie Campbell ilauhimayuk Tuklia Maniiniit Ihivgiukti Kanatami 2003mit nutkagami 2015mi. Havaagutainik, munagihimayuk Titigakviini ihivgiugutainik Kavamatkut Nunavumi. Piliktinagu Ihivgiuktinut 1985mi, Mr. Campbell inuuhimayuk ovalo havakhimayuk amigaiuyaktunik Nunavumi nunalaat munagiyut Hudsons Baykuni.

Ukakti Enook ukaalaktok, “Ukaalakhimayunga Maligaliukvimi ukiuk, pinahuaktavut Kamisitkuni pitkulutik ihumaalugiyainik naamaktunik ovalo akituvalaangitunik havaktiptinik ovalo nakuuyumik. Nalungitunga ilauniaktut Kamisitkunut, tamamik ayongimata havagaagutainik Inuukatipinut havaagutainik, akhut ikayugutiginiaktait havaaktakhainik.”

Maligaliukviit ovalo Ministait Katimayit Pikuyakyuangani pitkuhimayuk tuhaktitutik Nangminut Kamisitkut tunilutik Maligaliukvimut Ukaktinit.

-30-

Tuhafaagumaguvit Takulugit:
John Quirke, Titigakti Maligaliukvimi
Hivatauyaa: (867) 975-5000